

va a la Mirandola, ne la qual è il signor Zuam Francesco dentro, et si vol difender. Et vi è intrato il dottor Vito, orator cesareo, et ha levato le insegne di l' imperador, e traze con artellarie fuora. *Item*, a Bologna, domino Hannibal Bentivoy era pacifico con li marascoti, et missier Zuam Giacomo è stato in la terra con 200 cavali, et posto taja 40 milia ducati, tra i qual, a missier Zuam Campezo, che intrò in rocha, et era nimicho a' Bentivoy, ducati 4000. *Item*, haveano tolto zoso la effigie granda di papa Julio, di bronzo, et fevano, di quel rame, artellarie. *Item*, altre particularità se intese, et dil romper guerra di fiorentini a' senesi. *Item*, la rocha di Bologna si havia reso, ne la qual era il vescovo Saoli, come ho dito di sopra.

Et fu posto, per li savij, una letera a l' orator nostro in Hongaria, avisarli il perder di Bologna e la morte dil cardinal Pavia, e di questi successi; e risponder a le sue letere, e riagratiar il reverendissimo cardinal ystrigoniense et il conte Palatino, de li boni officij fanno per la Signoria nostra, et aspetemo intender quello sarà seguito in la dieta, si dovea far etc. Fu presa.

Fu posto, per li savij, d'acordo, una reformation di l' officio di le cazude, qual si à meter a gran consejo, *videlicet* li signori, saranno *de cætero* electi, siano per uno anno solamente, et non vengino im pregadi; ma, compito, vengino per tanto tempo, quanto saranno stati in lo officio. *Item*, la matina vadinò su l' incanto a vender i beni di debitori, et più non si fazi provedadori a dito officio; et, da poi disnar, atendino a le audientie, con altre clausule, *ut in parte*. E fu presa. E nota. Sier Piero Sagredo, sier Michiel Memo, sier Zuam Dolfim, che al presente sono a le cazude, tutti tre è di pregadi.

Fu posto, per li diti, una parte, che tutti li officij, che scuodano danari, siano obligati fra i l'horò officij, et andar su l' incanti, et non si fazi più exatori a li officij. Fu presa.

Et, licentiato il pregadi, a horre 22, restò consejo di X con la zonta.

A dì 4, la matina. Hessendo venuto in questa terra domino Enea Cavriana, chiamato el cavalier, zenero dil marchexe di Mantoa, qual era sul Polese-ne, et havia di conduta cavali lizieri 200, ma horra *solum* 110, et di hordine datoli per il provedador Griti, vene di qui; e, volendo aver audientia dal collegio, fo mandato da li capi di X, e cussi in questa matina, destro modo, fo retenuto per diliberatiom dil consejo di X, incolpato aver parlato a monsignor di la Grota, governador in Lignago etc. E

cussi, per il capetanio dil consejo di X, fo menato in camera, et poi andono il colegio a esaminarlo, qual fu: sier Bernardo Bembo, dottor, cavalier, consier, sier Piero Capelo, cao dil consejo di X, sier Marco Loredam, avogador di comun, et sier Anzolo Trivixan, inquisitor. *Etiam* fo retenuto uno bon fio padoano, per cërta letera scritoli, et altri esaminati padoani, et mandati a tuor. Quello di lui seguirà, di soto ne farò mentione.

Da poi disnar fo consejo di X con la zonta, e tra le altre cosse, fu preso la gratia di sier Nicolò Vendramin, *quondam* sier Pollo, *quondam* serenissimo, fo bandito per anni X, come ho scritto di sopra, qual si oferisse di dar, a la Signoria, ducati 1500, *videlicet* 1000 imprestar, et vegnir im pregadi, come li altri, et 500 scontar in le angarie; et cussi fu preso di asolverlo, con questo, desse *immediate* li danari, et, da poi uno anno, potesse venir im pregadi; e, se in questo mezo el voleva andar sopracomito, come è electo per il consejo di X, possi andar, e cussi la matina el vidi.

A dì 5, da Chioza, di sier Alvixe Liom, 113 *podestà*. Si ave, esser zonto li barche 30 con fanti, vien dil campo, dal porto cesenatico, e cussi *continue* ne zonzeva; e, fo scritto, dovesseno passar a Monte Alban tutte le zente, per andar in campo a Montagnana.

Item, vene il nepote di fra' Lunardo da Prato, era prexon de' francesi, chiamato el signor Mariano di Leze, al qual, per colegio, li fo dato fanti 500, et ordinato, li andasse a far far.

Item, fo dato, per colegio, il governo di la compagnia dil Cavriana al conte Guido Rangom, ch' è cavali lizieri 110.

Vene in colegio sier Christofal Moro, qual havia refudado provedador a Padoa, perchè sier Anzolo Trivixan par si voleva excusar etc., atento è provedador sora l' arsenal, fato con pena. Hor dito sier Christofolo disse, vedendo il consejo non haver voluto acceptar la sua scusa, avanti cha andar in exilio a Zara, voleva andar, con questo, fosse messo parte, che 'l sia provedador zeneral, intrando il campo im Padoa; e cussi li fo promesso di meter ozi la parte im pregadi, et lui medemo venisse acceptar.

Dil provedador Capello, dal porto cesenatico, fo letere, di primo et di 2. Come *continue* zonzevano fanti spogliati, et li capi nostri, *adeo* niun capo è manchato; *imo* quel domino Agustino da Brignan, che, fo dito, era stà morto, non fu vero, et è zonto li; aspetava li arsiliij et altri navilij per imbarcharssi, e, sopra tutto, danari per dar a le zente; et